



Jumat, 29 Desember 2023
Ogen: Pilipi 3:13-16



Erpala-Pala Ndatken Si Aarah Lebe



Gelap banci nggeluh alu aktif ras lit gunana maka sekalak jelma arus lit sura-surana. Sura-sura e njemba kita gelap bergerak maju ndatken kai si jadi perayaken e. Jadi mbue kal sura-sura i bas perukuren manusia. Lita istilah "rambut sama hitam hati siapa tahu," ngatakenca la tersipati kerna kai si jadi peraten manusia. Tapi, umumna sura-sura manusia ibagi ku bas dua bagin e me sura-sura daging ras sura-sura tendi.

Rasul Paulus pernah nggeluh i bas perayaken siapai pe. Ope langa jera ia sekalak si ijemba perayaken daging, guna naluken pengajaren Tuhan Yesus si mabai enterem kalak Jahudi meraguken pengarapenna kerna mesias. E maka sura-sura e erbahanca alu la gentar nakiti kalak singikut-ngikut Tuhan Yesus. Sura-surana bas paksa e uga erbahanca meriah akap pusuhna, amin gia mpeturah kecedan kempak kalak ntah golongan si deban. Tapi kenca ia jera, perayakenna lanai terjeng doni enda ngenca. Si idaramina e me kap erta surga. Si arah lebe e me rudang-rudang tanda kemenangan, ibas ia nggo naluken sura-sura daging, sura-sura doni enda. Si arah lebe si enggo isikapken Tuhan Yesus man kalak si ernalem man bana, e me kesenangan si rasa lalap. Labo iepekitik Paulus si langa seh je perayakenna, tapi sada pedahna, man banta si perayakenta terjeng doni enda denga ngenca, e me Dibatalah pagi simpetangkassa man banta. E maka ulalah si sirangi Tuhan, amin gia genduari langa siangka. Tapi man banta singaloken kata enda, sienggo bergumul sedekah enda engkai maka langa lalap si dat kemalemen ate. Marilah si usih kai si ibahan rasul Paulus. Lupaken si arah pudi. Bas masa lalu banci jadi lit dosa si mbelin siban kita, mungkin kita sedekah enda ngelasamken kesempatan erbahan bagi ngena ate Tuhan, sibuk kita nehi sura-sura dagingta, silupakenlah kerina si e sabap Dibata pe enggo ngalemi kita. Genduari nari si daramilah si ngena ate Tuhan.

☞ Tuhan Kap Alpha ras Omega, si arah lebe ras si arah pudi